

Konseho Insular di
Entidat Pùblico Bonaire

ORDENANSA INSULAR pa
Stipulashon di un reglamentu di òrdú nobo
pa e reunionnan i otro trabounan di
konseho insular di entidat pùblico Bonaire
(Reglamentu di òrdú pa konseho insular di Bonaire)

KONSEHO INSULAR DI ENTIDAT PUBLIKO BONAIRE

Konsiderando:

ku den kuadro di restrukturashon estatal a introdusí e modelo di gobernashon dualista na e entidat pùblico Bonaire;
ku konsekuentemente a bira nesesario pa stipulá un reglamentu di òrdú nobo pa e reunionnan i trabounan di konseho insular;

Teniendo kuenta ku
Artíkulo 17. Wet openbare lichamen Bonaire Sint Eustatius en Saba

A DISIDI:

pa stipulá e siguiente ordenansa insular:

Kapítulo 1. Stipulashonnan general

Artíkulo 1. Aklarashon di konseptonan

Den e artíkulo akí ta komprendé bou di:

- a. konseho insular òf raad : e konseho insular di entidat pùblico Bonaire manera indiká den Kapítulo III, WolBES;
- b. miembro di konseho insular òf miembro: un miembro di konseho insular;
- c. reunion di konseho insular òf reunion: reunion di formulashon di opinion i reunion di tuma desishon di konseho insular;
- d. komishon sentral òf “komishon sentral”; reunion di formulashon di opinion di konseho insular;
- e. presidente; gezaghèber òf su remplasante, manera indiká den artíkulonan 10 i 90, WolBES;
- f. komishon: un komishon nombrá pa konseho insular indiká den artíkulonan 117, insiso unu, i 118 insiso unu, WolBES;
- g. kolegio ehekutivo: e kolegio di diputadonan di teritorio insular huntu ku gezaghèber manera indiká den Kapítulo III, Sekshon III, WolBES;
- h. diputado: diputado di teritorio insular manera indiká den artíkulo 37, insiso unu, WolBES;
- i. gezaghèber: gezaghèber manera indiká den Kapítulo III, Sekshon IV, WolBES;

- j. sekretario insular; sekretario insular òf su remplasante manera indiká den Kapítulo III, Sekshon IX paragraf 1 i 2, WolBES;
- k. griffier; sekretario di konseho insular òf su remplasante, manera indiká den kapítulo II, Sekshon IX paragraf 1 i 3, WolBES
- l. proposishon di un proyekto di lei; un proposishon pa un ordenansa ò un otro proposishon ;
- m. moshon;un deklarashon kòrtiku i motivá tokante un tópiko pa medio di kua ta ekspresá un opinion, deseо òf un petishon;
- n. proposishon pa kambio di un artíkulo den lei: proposishon pa kambio di un proposishon di un ordenansa insular òf un diseño di un dekreto; pa a base di su forma e ta apropiá pa ta direktamente inkorporá den e proposishon;
- o. un proposishon sekundario pa kambio di un artíkulo den lei: un proposishon pa kambio den un artíkulo den un ordenansa insular ku ta den tratamentu, pa a base di su forma e ta apropiá pa ta direktamente inkorporá den e proposishon; pa a base di su forma e ta apropiá pa ta direktamente inkorporá den e proposishon pa kambio di un artíkulo den lei ku kua e ta relashoná;
- p. proposishon di òrdú: proposishon enkuanto disciplina di e reunion;
- q. reglamentu òf reglamentu di òrdú: reglamentu di òrdú pa e reunionnan i otro trabounan di konseho insular di entitat públiko Bonaire;
- r. entitat públiko Bonaire: entitat públiko Bonaire, menshoná den artíkulo 2, WolBES;
- s. edifisio di konseho insular: edifisio den kua prinsipalmente e reunionnan di konseho insular ta tuma lugá;
- t. WolBES: Wet openbare lichamenen Bonaire, Sint Eustatius en Saba.

Artíkulo 2 E presidente

- 1. Gezagħèber ta presidente di konseho insular i tin e derecho pa partisipá na e deliberashonnan den konseho insular. Gezagħèber no tin derecho di voto.
- 2. E presidente ta enkargá ku:
 - a. guia di e reunion;
 - b. duna turno pa hiba palabra;
 - c. partisipashon di resultado di votashonnan;
 - d. mantenshon di òrdú;
 - e. kumplimentu di e reglamentu di òrdú;
 - f. enkargo adishonal ku ta sali di WolBES òf e reglamentu di òrdú akí .

Artíkulo 3 Remplasante di presidente

Den kasu di estorbo òf ousensia di e presidente e miembro ku tin mas tantu aña como miembro di konseho insular ta fungi como presidente di konseho insular. Konseho insular por enkargá un otro miembro di konseho insular ku e remplaso.

Artíkulo 4 Sekretario di konseho insular

- 1. Konseho insular ta nombra e sekretario di konseho insular. E ta alabes outorisá pa suspendé i retirá e sekretario di konseho insular.
- 2. E sekretario di konseho insular ta asistí konseho insular i e komishonnan instituí pa konseho insular den ehekushon di nan tarea.

3. Konseho insular ta stipulá den un instrukshon reglanan detayá tokante e tarea i kompetensianan di e sekretario di konseho insular.
4. Konseho insular ta stipulá reglanan tokante organisashon di sekretaria di konseho insular i ta ousensia ta remplasá e sekretario di konseho insular pa un sekretario remplasante apuntá pa konseho insular.
5. E sekretario di konseho insular ta presente den kada reunion di konseho insular.
6. Den kasu di estorbo òf ousensia ta remplasá e sekretario di konseho insular pa un sekretario remplasante apuntá pa konseho insular.
7. Ta entregá na sekretaria insular dokumentonan den e vershon original i ku e firma original di esnan konserní.
8. E sekretario di konseho insular por, si konseho insular invit'é pa hasi eseí, partisipá na e deliberashonnan manera indiká den e reglamentu akí.

Artíkulo 5 Aprobashon di nombramentunán na sekretaria insular

Un dekreto ku ta kontené nombramentu, promoshon, suspenshón òf retiru di e sekretario di konseho insular i e ámtrenarnan ku ta traha na sekretaria insular mester di aprobashon di Representante di Reino. Por keda sin duna e aprobashon solamente pa motibu di konflikto ku lei òf interes general.

Artíkulo 6 Sekretario insular

Konseho insular por hasi konseho ehekutivo un petishon pa invitá e sekretario insular pa ta presente den reunion i partisipá na e deliberashonnan manera indiká den e reglamentu akí.

Artíkulo 7 Presidio

1. Konseho insular tin un presidio, ku como presidente gezaghèber menshoná den artíkulo 2.
2. E presidio ta konsistí di presidente i e lidernan di frakshon. E sekretario di konseho insular ta presente den kada reunion di presidio.
3. Presidio ta stipulá e agènda tentativo.
4. Presidio ta stipulá un skema di reunion pa e reunionnan di konseho insular.
5. E presidente por proponé pa invitá sekretario insular pa ta na presidio.
6. Kada lider di frakshon ta apuntá un miembro di konseho insular ku por remplas'é den presidio na momentu di su ousensia.
7. Presidio tin banda di e tareanan menshoná den e insisonan anterior i artíkulonan 12, 15, 19, 24, 46, 51 i 52 di e reglamentu akí, como tarea pa hasi rekomendashonnan na konseho insular enkuanto e organisashon di e trabounan di konseho insular i su komishonnan.
8. Presidio ta rekomendá konseho insular den e promé reunion di konseho insular den su konstelashon nobo den e promé reunion di konseho insular despues di un elekshon pa konseho insular enkuanto un dia i orario fiho pa e reunionnan di konseho insular.
9. Presidio ta konsultá por lo mémos dos biaha pa aña ku presidentenan di e komishonnan.

Kapítulo 2.

Atmishon di miembranan nobo; nombramentu di diputadonan; frakshonnan

Artíkulo 8 Kontròl di kredensialnan; huramentashon; nombramentu di diputadonan

1. Na kada nombramentu di miembranan nobo konseho insular ta nombra un komishon, konsistiendo di tres miembro di konseho insular.
2. E komishon ta investigá
 - a. partisipashon di esun designá, respektivamente su apoderado, manera indiká den artíkulo 9, ku e ta azeptá e nombramentu , i
 - b. e dokumentonan, menshoná den artíkulo 10, ku ta e kredensialnan .
 - c. E artíkulonan V2 i V3, Kieswet ta di mes manera aplikabel.
3. E komishon ta relatá na konseho insular, despues di a kontrolá e kredensialnan, kaminda a investigá si esun designá ta kumpli ku e eksigensianan pa bira miembro, i ta añadí un proposishon pa un desishon. Den e relato ta hasi menshon di un punto di bista minoritario.
4. Konforme loke ta stipulá den artíkulo V4, Kieswet konseho insular ta disidí si ta azeptá esun designá como miembro di konseho insular.
5. E investigashon di e prosèsverbal di ofisina elektoral sentral ta sosodé den e último reunion di konseho insular den su konstelashon bieu despues di elekshon.
6. Despues di elekshon pa un konseho insular nobo presidente ta convoká un reunion pa e miembranan elihí pa den e promé reunion di konseho insular den su konstelashon nobo, indiká den artíkulo 19 WolBES, hasi huramentashon òf primintimentu i deklarashon manera preskribí.
7. Den caso ku mester yena un puesto vakante presidente ta sita un miembro nominá pa un reunion di konseho insular den kua ta disidí tokante su nombramentu pa hasi huramentashon, òf primintimentu i deklarashon.
8. Na nombramentu di un diputado, conforme insiso unu ta nombra un komishon ku ta investigá si e kandidato ta kumpli ku e eksigensianan stipulá den WolBES. E komishon ta apliká e prosedimentu deskribí den insiso dos.

Artíkulo 9 Partisipashon di aseptashon di e nombramentu

1. Esun designá ta perkurá pa mas tardá riba e di dies dia, òf , na un nombramentu den un puesto ku despues di e promé reunion di e konseho nobo a bira vakante riba e di bintiocho dia despues di e fecha di e partisipashon di su nombramentu, konseho insular risibí di su persona respektivamente su apoderado, un karta firmá sea pa su persona òf pa su apoderado ku e ta azeptá su nombramentu.
2. Si dentro di e tempu ei no a risibí e partisipashon ta asumí ku e no ta azeptá e nombramentu.
3. E presidente ta partisipá inmediato e presidente di ofisina elektoral sentral ku esun designá a azeptá e nombramentu, òf por konsiderá ku e no a azeptá e nombramentu.
4. Si esun designá no azeptá e nombramentu, e òf su apoderado dentro di e término stipulá den insiso unu, ta partisipá esaki por eskrito na presidente di ofisina elektoral sentral. Esaki ta notifiká konseho insular.

5. Tanten ku no a disidí tokante atmishon di esun designá e, respektivamente su apoderado, pa medio di un karta firmá pa su persona òf apoderado ta partisipá konseho insular di ta rekonsiderá e aseptashon di nombramentu. Ta asumí ku e no ta aseptá e nombramentu. Presidente ta notifiká inmediatamente e presidente di ofisina elektoral sentral di e partisipashon.

Artíkulo 10 Kredensialnan, deklarashon tokante puestonan público i funshonnan sekundario

1. Na mes momentu huntu ku e partisipashon di aseptashon di e nombramentu e esun designá, respektivamente su apoderado, ta pone konseho insular a base di un deklarashon firmá sea pa su persona òf pa su apoderado na altura di tur su puestonan público, funshonnan i funshonnan sekundario ku e ta okupá, banda di su miembrosia di konseho insular.
2. A ménos ku e esun designá na momentu di nombramentu tabata ya miembro di konseho insular, e ta suministrá un kopia sertifiká tokante su datonan di inskripshon den registro sivil como suidadano di Bonaire. For di e kopia mester sali na kla su nashonalidad, domisilio, i lugá di nacementu, tambe ku esun designá no ta ekskluí di e derecho di voto, konforme artíkulo 11, insiso unu, WolBES.
3. Ta publiká e deklarashon indiká den insiso unu. E publikashon ta tuma lugá mesora despues di nombramentu di e esun designá como miembro di konseho insular òf, semper despues di aseptá un otro funshon i ta sosodé dor di pone pa konsulta na sekretaria di konseho insular un spesifikashon di e funshonnan.

Artíkulo 11 Frakshon

1. Ta konsiderá e miembrongan di konseho insular eligí pa ofisina elektoral sentral ku ta riba e mesun lista como un frakshon. Si di un lista a eligí solamente un persona, ta konsiderá e miembro aki como un frakshon apart.
2. Si ariba di e lista di kandidato tin un indikashon, e frakshon ta usa den konseho insular e indikashon aki como nòmber. Si no tabatin ningun indikashon riba e lista di kandidato e lider di frakshon ta partisipá, den e promé reunion di konseho insular na presidente kua ta e nòmber ku e frakshon ta bai usa den konseho insular.
3. Ta partisipá mas pronto ku ta posibel na presidente e nòmbernan di esnan ku ta fungi como lider di un frakshon i nan remplasantenan.
4. Si un òf mas miembro di un òf mas frakshon ta bai fungi como un frakshon outónomo òf si un òf mas miembro di un frakshon afiliá na un otro frakshon, ta entregá inmediatamente, òf en todo caso promé ku e próksimo reunion di konseho insular na presidente un partisipashon por eskrito ku nan firmá. Pa bandoná un frakshon òf sea forma frakshonnan nobo no tin mester di outorisashon di konseho insular.
5. Si a forma un frakshon outónomo, den e próksimo reunion di konseho insular ta partisipá na e presidente kua ta e nòmber ku e frakshon ta bai usa.

Kapítulo 3 Reunionnan

Paragraf 1. Orario di reunionnan; preparashonnan

Artíkulo 12 frekuensha di reunion

1. Konseho insular ta reuní mes tantu biaha ku presidente òf konseho insular ta haña nesesario.
2. De centrale commissie òf komishon sentral yamá reunion di formamentu di opinion i reunionnan di formulashon di desishon di konseho insular ta tuma lugá tumando na konsiderashon Kapítulo III sekshon II di WolBES i di e reglanan stipulá den e Código di konduktá pa e miembronan di konseho insular.
3. Komishon sentral i e reunionnan di formulashon di desishon di konseho insular pa regla ta tuma lugá, a base di rekomendashon di presidio riba un dia i ora fiho den e edifisio di konseho insular.
4. E presidente por apuntá den kasonan speshal un otro dia i un otro orario òf un otro sitio di reunion. E ta hiba deliberashon den presidio, a mémos ku ta trata di un kalamidat.

Artíkulo 13 Reunion Èkstra

1. Si a lo mémos un di sinku parti di e miembresia for di kua konseho insular ta konsistí solisitá p'esei por eskrito i hasiendo menshon di e argumentunan, presidente ta konvoká un reunion.
2. Si e reunion ta solisitá pa e kantitat di miembronan indiká den insiso unu, ta konvoká e reunion dentro di shete dia. Artíkulo 12 ta di mes manera aplikabel.
3. E konvokashon por eskrito, ku eksepshon di kasonan di karakter di urgencia, a lo mémos dos biaha 48 ora promé ku tene e reunion ta bai pa e miembronan. Artíkulo 14, insiso unu no ta aplikabel.
4. E reunion ta tuma lugá conforme reglanan di e reglamento aki.

Artíkulo 14 Konvokashon i agènda preliminar

1. Presidente ta emití a lo mémos shete dia promé ku un reunion un konvokashon por eskrito pa e miembronan di konseho insular, hasiendo menshon di fecha, orario i sitio di e reunion.
2. E agènda preliminar formulá pa e presidio i e dokumentunan konserní, ku eksepshon di e dokumentonan sekreto indiká den artíkulo 26, insiso unu i insiso dos di WolBes, simultáneamente huntu ku e konvokashon por eskrito pa un reunion ta bai pa e miembronan di konseho insular.
3. E dokumentonan indiká den insiso dos pa kua tin sekresia ta a lo mémos shete dia promé ku reunion ta na poné pa konsulta serka sekretario di konseho insular.

Artíkulo 15 Agènda

1. Den kasonan ku karakter di urgencia e presidente por despues di a emití e konvokashon por eskrito, pa mas tardá 48 promé ku inisio di e reunion, formulá un agènda adishonal. Ta emití esaki, huntu ku e dokumentunan konserní, pa e miembronan di konseho insular i ta publik'ë.
2. Na inisio di e reunion konseho insular ta stipulá e agènda. Riba proposishon di un miembro di konseho insular òf di presidente konseho insular por na momentu di

- stipulashon di e agènda añadí tópiko na e agènda òf baha tópikonan for di e agènda.
3. Na momentu ku presidio ta di opinion ku un tópikonan no ta suficiente prepará pa tratamentu pùblico, e por manda e tópiko un komishon òf pidi kolegio ehekutivo informashon adishonal òf konseho. Ta bolbe pone e tópiko riba agènda pa e próksimo reunion di presidio.
 4. Riba proposishon di un miembro di konseho insular òf di presidente konseho insular por kambia sekuensha di tratamentu di e puntonan di agènda.

Artíkulo 16 Dokumentunan disponibel pa konsulta

1. Dokumentunan ku ta aklará tópikonan òf proposishonnan riba agènda, na momentu ku emití e konvokashon por eskrito, nan ta disponibel pa konsulta pa pùblico na sekretaria insular. Si dokumentunan despues di a manda e konvokashon por eskrito ta disponibel pa konsulta, ta hasi anunsio di esaki na miembrongan di konseho insular i si ta posibel den un aviso pùblico.
2. Ku mantenshon di loke ta stipulá den insiso unu dokumentunan alabes por ta disponibel pa un i tur pa medio di un sistema elektrónico.
3. Si pa dokumentonan a base di artíkulo 26, insiso unu òf insiso dos di WolBES ta sekreto, e dokumentunan ta keda, kontrali na insiso unu, bou di vigilansia di sekretario di konseho insular i ta duna aksesu na miembrongan di konseho insular pa haña konosementu di nan.

Artíkulo 17 Aviso pùblico

1. Pa medio di aviso den un òf mas korant, na e manera kustumbrá den e entitat pùblico i pa medio di e wèpsait di Bonaire ta anunsiá pùblikamente e reunion.
2. E aviso pùblico ta menshoná
 - a. e fecha, orario i sitio,plùs e agènda preliminar di e reunion;
 - b. e manera kon i e sitio unda un i tur por konsultá e dokumentonan pertenesiente na e reunion.
3. E agènda preliminar i e dokumentonan korespondiente, si ta disponibel elektrónico, ta bini riba e wèpsait di Bonaire.

Paragraf 2 Òrdú di reunion

Artíkulo 18 Lista di presensia

1. Sekretario di konseho insular insular ta pèrkurá pa atministrá un lista di presensia
2. Na entrada di e sala di reunion tur miembro di konseho insular ta firma e lista di presensia , promé ku e presidente habri e reunion e ta firma e lista di presensia. Na final di kada reunion ta akordá e lista ei ku firma di tantu e presidente como e sekretario di konseho insular.
3. Miembrongan ku yega despues ku e reunion a inisiá ta firma nan nòmber bou di esun di e presidente.
4. Si un miembro ta presente na e reunion di konseho insular pero no a firma e lista, e por partisipá na e deliberashonnan i votashon despues di a firma e lista di presensia.

Artíkulo 19 Asiento

1. E presidente, e frakshonnan i e sekretario di konseho insular tin asiento fiho, apuntá pa e presidente despues di konsulta den presidio, na inisio di kada periodo di legislashon di konseho insular.
2. Si ta eksistí motibu pa esaki, e presidente por revisá e repartishon despues di konsulta den presidio.
3. Presidente ta pèrkurá pa asiento pa e diputadonan, sekretario di konseho insular i pa otro personanan ku ta invitá pa ta na reunion.

Artíkulo 20 Presensia na reunion

1. Si un miembro no por a asistí na reunion, e ta notifiká e presidente, p'asina leu ku ta posibel promé ku inisio di e reunion.
2. Miembrongan di konseho insular ku bandoná e reunion promé ku esaki terminá ta notifiká e presidente.

Artíkulo 21 Apertura di reunion; kuórùm

1. Presidente ta habri e reunion na e orario stipulá si konforme e lista di presensia mas ku mitar di e kantidat di miembrongan ku tin asiento den konseho insular ta presente.
2. Si 30 minüt despues di e orario stipulá no tin e kantidat di e miembrongan rekerí, presidente despues di a lesa nòmber di e miembrongan ousente, ta stipulá di nobo un reunion riba un fecha ku ta a lo ménos 24 ora despues di a entregá e konvokashon, teniendo na kuenta ku artíkulo 21, WolBES.
3. Pa e reunion, indiká den insiso dos, insiso unu no ta aplikabel. Konseho insular sinembargo por deliberá òf disidí únikamente tokante otro caso ku no ta esnan pa kua, konforme e promé insiso, e reunion no tabata konvoká, si konforme e lista di presensia mas ku mitar di e kantidat di miembrongan ku tin asiento den konseho insular ta presente.

Artíkulo 22 E promé pa vota ora di votashon individual

Promé ku trese na diskushon e tópikonan anunsiá e presidente ta partisipá den ki sekuensia ta vota. E miembrongan ta vota a base di e sekuensia di a inskripshon riba e lista di presensia.

Artíkulo 23 Relato i lista di desishon

1. Sekretario di konseho insular ta perkurá pa un relato kòrtiku i ta atministrá un lista di desishon di e reunion.
2. E dokumentunan menshoná den insiso unu ta bai pa e miembrongan i e otro personanan ku a hiba palabra den e reunion konserní, pa despues den e siguiente reunion ta akordá e dokumentunan menshoná den insiso unu i ta firmá pa e presidente i e sekretario di konseho insular.
3. E miembrongan i e presidente, por hasi un proposishon pa kambio di e konsepto di e relato, entregando e proposishon aki na sekretario di konseho insular. Diputadonan, sekretario di konseho insular i sekretario insular por, p'asina leu ku

- nan a partisipá na e deliberashon, hasi un proposishon pa kambio di e konsepto di e relato di e deliberashon, entregando e proposishon aki na sekretario di konseho insular.
4. E relato ta kontené a lo méños;
 - a. nòmbernan di e miembranan presente na reunion i esnan ku no ta miembro i e miembranan ousente.
 - b. meshon di e kasonan ku a atendé i un resúmen al caso di loke a papia haciendo menshon di nòmber i funshon di esnan presente ku a hiba palabra.
 - c. un resúmen di transcurso di e votashon, bou di kua ta komprondé nòmber di e miembranan ku a vota na fabor òf kontra , ku a apstené di vota, ku a kiboká na momentu di vota i di e anotashon manera menshoná den artíkulo 33, insiso dos di e reglamento aki.
 - d. e teksto di e proposishonnan di lei, proposishonnan di òrdú, moshonnan, proposishonnan pa kambio di un artíkulo den lei i di proposishonnan sekundario pa kambio di un artíkulo di lei, entregá durante e reunion.
 5. P'asina leu ku e karakter i contenido di e tumamentu di desishon no ta oponé kontra e loke ta menshoná ta publiká e lista di desishon, despues di a akord'é den e siguiente reunion, na e manera kustumbrá den e entidat pùblico.

Artíkulo 24 Korespondensia risibí

1. Korespondensianan risibí pa konseho insular, entre kua partisipashonnan por eskrito di kolegio ehekutivo pa konseho insular, ta bini riba un lista. E lista aki ta bai pa e miembranan di konseho insular i ta disponibel pa konsulta.
2. Despues di akordá e relato konseho insular ta stipulá, riba proposishon di e presidio, tratamentu di korespondensia risibí. E miembranan di konseho insular tambe por hasi un proposishon pa e tratamentu.

Artíkulo 25 Kantidat di tanda

1. Deliberashon tokante un tópiko òf un proposishon ta sosodé den maksimal dos tanda, a méños ku konseho insular disidí otro.
2. Presidente ta sera kada tanda.
3. Un miembro den un tanda no mag hiba palabra mas ku un biaha riba e mesun tópiko òf proposishon.
4. E di tres insiso no ta konta pa:
 - e bosero di un komishon;
 - e miembro ku a entregá un proposishon sekundario pa kambio di un artíkulo di lei, pa loke ta trata e proposishon pa kambio di un artíkulo di lei konserní, tal moshon òf tal proposishon.
5. Den stipulashon di e kantidat di biaha ku un miembro a hiba palabra riba e mesun tópiko òf proposishon, no ta inkluí ora a pidi punto di òrdú.
6. E presidente ta duna palabra den di dos tanda solamente na e miembranan ku den promé tanda a hiba palabra.
7. Konseho insular por permití den kasonan eksepshonal pa un miembro, kontrali na loke ta pará den e di tres i di seis insiso, hiba palabra.

Artíkulo 26 Hiba palabra. Sekuensha di turno pa hiba palabra

1. Niun miembro ta hiba palabra si no ta despues di a pidi i presidente a konsed'é pa hiba palabra.
2. E presidente, tendiendo kuenta ku artíkulo 29, ta duna palabra den e sekuensha ku a pidi pa hiba palabra. E sekuensha ta segun a inskribí riba e lista pa hiba palabra, riba kua tin e tópiko pa trata i ta serka e sekretario di konseho insular pa firma.
3. E sekuensha di turno pa hiba palabra, indiká den insiso dos, por haña un interupshon ora un miembro pidi palabra tokante un hecho personal, pa pidi punto di òrdú òf pa hasi un pregunta. Un punto di òrdú tambe por bini di presidente.. presidente no ta duna palabra tokante un hecho personal si no ta despues di a duna un indikashon provvisorio di e hecho. E desishon si algu ta un hecho personal ta den man di presidente.

Artíkulo 27 tempu pa hiba palabra

Presidente por hasi un proposishon tokante e tempu pa e miembranan i e otro presentenan hiba palabra

Artíkulo 28 mantenshon di òrdú; suspenshon

1. No por interumpí un orador den su desertashon, a mémos ku;
 - a. presidente ta haña nesesario pa rekordá e orador pa tene kuenta ku e reglamentu aki;
 - b. un miembro interumpié'. E presidente por stipulá ku e orador ta terminá su desertashon sin mas interupshon.
2. Si un miembro ta ekspressá su mes usando eksprehonnán ofensivo òf insultante, ta desviá di e tópiko ku ta den tratamentu, ta interumpí ku regularidat un otro miembro òf di otro forma ta violá òrdú, presidente ta hala su atenshon. Si e orador en kuestión no kumpli ku e petishon, presidente por prohibié pa hiba palabra durante e reunion den kua algu asina ta pasa tokante e tópiko ku ta den tratamentu.
3. E presidente por pa mantenshon di òrdú suspendé e reunion pa un tempu ku e mes ta stipulá i – si despues di a reanudá ta bolbe violá òrdú - klousurá e reunion.
4. E presidente por proponé konseho insular pa prohibí un miembro pa kontinuá den reunion ku pa motibu di su komportashon ta opstakulisá kurso di e reunion. No ta deliberá tokante e proposishon Despues ku aseptá e proposishon e miembro ta bandoná e reunion mesora. Si ta nesesario presidente ta laga ekspulsá e miembro. Ku ripitishon di su komportashon presidente por proponé konseho insular pa prohibí e miembro akseso na reunion pa maksimal tres luna.

Artíkulo 29 Deliberashon

1. Konseho insular riba proposishon di e presidente òf un miembro di konseho insular por disidí pa deliberá separá tokante un òf mas parti di un tópiko òf di un proposishon.
2. Si e ta deseá eseí e presidente ta duna como promé su opinion tokante e tópiko tresé na deliberashon. Esnan ku a entregá un moshon, si nan ta deseá pa aklará e moshon òf e proposishon, ta hiba palabra promé. Tokante proposishonnán di kolegio ehekutivo si un òf mas diputado ta deseá eseí ta hiba palabra promé.

3. Riba petishon di un miembro di konseho insular òf riba proposishon di e presidente konseho insular por disidí pa suspendé e deliberashon pa un tempu, stipulá pa su persona, pa duna kolegio ehekutivo òf e miembrongan oportunidad pa konhuntamente hiba deliberashonnan mas detayá. E deliberashon ta kontinuá despues ku e tempu di suspenshon a ekspirá.

Artíkulo 30 partisipashon di otronan na e deliberashon

1. Konseho insular por stipulá ku aparte di e miembrongan di konseho insular presente, un diputado, e presidente, e sekretario insular òf e sekretario di konseho insular i otronan tambe por partisipá na e deliberashon.
2. Riba proposishon di presidente òf di un di e miembrongan di konseho insular ta tuma un desishon riba e loke ta stipulá den insiso unu promé ku inisiá ku deliberashon riba e punto di agènda ku ta na turno.

Artíkulo 31 Motivashon di voto

Despues di klosura di e deliberashon i promé ku konseho insular pasa pa votashon, kada miembro tin e derecho pa motivá su voto.

Artíkulo 32 Siere di e deliberashon

1. Na momentu ku presidente konstatá ku un tópiko òf proposishon ta suficiente aklará e ta klosurá e deliberashon, a mémos ku konseho insular disidí otro.
2. Un miembro tambe por proponé pa klosurá e deliberashon. E proposishon aki mester ta sostené pa por lo mémos un otro miembro
3. Despues ku a klosurá e deliberashon ta tuma lugá, despues di votashon tokante eventual proposishon pa kambio di un artíkulo di lei, votashon riba e proposishon, den su totalidat manera e ta a mémos ku no a pidi pa votashon.
4. Si no a pidi pa votashon riba un proposishon e proposishon ta azeptá.
5. Promé ku votashon riba e proposishon tuma lugá, presidente ta formulá e proposishon enkuanto e desishon final ku mester tuma.

Paragraf 3. prosedura na momentu di votashon

Artíkulo 33 Stipulashon general tokante votashon

1. Presidente ta puntra si ta deseá votashon. Si no pidi pa votashon i e presidente tampoco ta deseá eseí, presidente ta konstatá ku e proposishon ta azeptá sin votashon individual.
2. Miembrongan presente den reunion por pidi pa notifiká den e relato e hecho ku por konsiderá ku nan a vota kontra, òf a base di artíkulo 39, di e reglamentu aki, konforme artíkulo 29 WolBES, ku nan a apstené di vota.
3. Si un òf mas miembro pidi pa votashon, presidente ta partisipá esaki.
4. E presidente òf e sekretario di konseho insular ta yama e miembrongan na nan nòmber pa vota. E votashon ta tuma lugá konforme e prosedura menshoná den artíkulo 22 di e reglamentu aki.
5. Kada miembro ta obligá di vota for di su asiento fiho, konforme artíkulo 19, insiso unu.

6. Ora di vota individual, tur miembro presente na reunion ku a base di artíkulonan, 18 insiso 3 òf artíkulo 39 di e reglamentu aki, òf a base di WolBES, no mester apstené di vota ta obligá pa vota.
7. E miembrongan ta ekspresá nan voto bisando e palabra “voor” òf “tegen” òf e palabra “pro” òf “kontra” sin ningun agregashon.
8. Si un miembro kometé un eror ora di vota, e por korigí e eror promé ku e siguiente miembro a vota. Si e miembro ripará mas despues su eror, e por, despues ku presidente a anunsiá resultado di e votashon, pidi pa notifiká e hecho ku e a kometé un eror; esaki no ta trese ningun kambio den resultado di e votashon.
9. Presidente ta partisipá e resultado despues di e votashon, partisipando e kantidat di e votonan pro i kontra. Huntu ku eseí e ta partisipá alabes e desishon tumá

Artíkulo 34 Inbalides di e votashon

1. un votashon ta solamente bálico, si mas ku mitar di e kantidat di miembrongan ku tin asiento i ku no mester apstené na votashon a partisipá na votashon.
2. Si presidente despues ku a yama nòmber di kada miembro individual konstatá ku e kantidat di miembrongan ku ta nesesario pa tene e reunion tin balides, no ta presente, e ta suspendé e reunion.
3. Si un miembro entregá tokante esaki tokante esaki un proposishon di òrdú, e presidente ta pasa pa apliká loke ta indiká den insiso dos i ta yama nòmber di kada miembro individual.

Artíkulo 35 Votashon riba proposishonnan pa kambio di un artíkulo di lei i moshonnan

1. Si a entregá un proposishon pa kambio di un artíkulo di lei riba un proposishon ku ta den tratamentu ta vota promé riba e proposishon pa kambio di un artíkulo di lei.
2. Si riba un proposishon pa kambio di un artíkulo di lei entregá un proposishon sekundario pa kambio di un artíkulo di lei ta vota promé riba e proposishon sekundario pa kambio di un artíkulo di lei i despues riba e proposishon pa kambio di un proyekto di lei.
3. Si a entregá dos òf mas proposishon pa kambio di un artíkulo di lei òf proposishon sekundario pa kambio di un artíkulo di lei riba un proposishon ku ta den tratamentu, presidente ta stipulá e sekuensha di vota. Aki ta konta e regla ku e proposishon pa kambio di un artíkulo di leinan òf e proposishon sekundario pa kambio di un artíkulo di lei ku tin konsekuensha mas grandi ta bini promé na votashon.
4. Si enkuanto un proposishon den tratamentu a entregá un moshon, ta vota promé riba e proposishon i despues riba e moshon.

Artíkulo 36 Prosedura tokante votashon riba persona

1. Pa votashon riba persona, pa nombramentu, postulashon òf rekomendashon presidente ta nombra un komishon di tres persona pa forma e komishon elektoral.
2. Kada miembro presente na reunion, ku a base di artíkulonan 18 òf 39 di e reglamentu aki òf a base di WolBES no mester apstené na votashon ta obligá di entregá un papel di voto. E papelnan di voto mester ta idéntiko.

3. Ta tuma lugá mes tantu votashon ku tin persona ku ta bini na remarke pa nombramentu, postulashon òf rekomendashon. Konseho insular por riba proposishon di presidente disidí ku pa sierito votashon ta usa un papel di voto.
4. E komishon elektoral ta averiguá ku si e kantidat di papel di voto ta igual ku e kantidat di miembroran ku konforme insiso dos ta obligá di entregá un papel di voto. Si e kantidat no ta igual, ta destruí e papelnan di voto sin habri nan i ta tene un votashon nobo.
5. Pa stipulá e mayoria apsoluto manera indiká den artíkulo 31, insiso unu, WolBES ta konsiderá ku e miembroran ku no a entregá un papel di voto na e manera korekto di no a vota.
6. Den kasó di duda tokante e kontesta riba e pregunta ku si òf no e papel di voto ta korektamente entregá, konseho insular, riba proposishon di presidente ta disidí.
7. Bou di supervishon di sekretario di konseho insular, mesora despues di a akordá e resultado ta destruí e papelnan di voto.

Artíkulo 37 Papelnan di voto adekuá

1. Pa realisá un resultado pa medio di un votashon ta eksigí un mayoria apsoluto di esnan ku a vota.
2. Na un votashon por eskrito ta komprondé bou di un voto e entrega di un papel di voto korektamente yená.
3. Teniendo na kuenta ku artíkulo 36, insiso sinku, ta komprondé bou di papel di voto no adekuá yená:
 - un papel di voto no –yená ;
 - un papel di voto firmá;
 - un papel di voto, riba kua tin mas ku un nòmber yená, a ménos ku e votashon ta trata diferente vakatura;
 - un papel di voto unda, si ta trata di nombramentu riba un postulashon, a vota pa un persona ku no ta postulá;
 - un papel di voto unda a vota pa un otro persona ku no ta esun pa kua a tene e votashon.

Artíkulo 38 Vota di nobo riba persona

1. Votashon riba persona pa nombramentu, postulashon òf rekomendashon ta sekreto.
2. Si den e di promé votashon riba persona pa nombramentu, postulashon òf rekomendashon no tin mayoria apsoluto, ta pasa pa un di dos votashon.
3. Si na e di dos votashon pa nombramentu, postulashon òf rekomendashon tambe no tin un mayoria apsoluto , ta bini un di tres votashon riba e dos personanan ku na e di dos votashon a haña mas tantu voto. Si na e di dos votashon e votonan tabata partí entre mas ku dos persona, ta tene un votashon provishonal pa determiná e personanan riba kua ta vota den e di tres votashon.
4. Si den un kasó di un votashon provishonal, manera indiká den e insiso anterior, òf na e di terser votashon tin empate, mesora lòt ta disidí konforme e manera deskribí den insiso sinku di e artíkulo aki.
5. Desishon pa medio di lòt ta tuma lugá di e siguiente manera;

- a. presidente ta skibi riba papelnan separá, totalmente igual e nòmbernan di e personanan riba kua mester tuma desishon.
- b. despues ku e komishon elektoral a kontrolá e papelnan aki, ta dobla nan den e mesun forma, ta deponé i sagudí nan den un buzon.
- c. Presidente ta saka un di e papelnan for di e buzon.
Esun ku su nòmber ta ariba ta eligí.

Artíkulo 39 Apstené di votashon

- 1. Un miembro di konseho insular no ta partisipá na votashon tokante;
- a. un asuntu ku ta tok’ é direktamente óf parsialmente óf den kua e ta enbolbí como representante.
- b. e stipulashon óf aprobashon di kuentanan di un órgano di kua e ta responsabel pa e maneho finansiero óf ta miembro di tal direktiva.
- 2. Na un votashon por eskrito ta komprondé bou di partisipashon na un votashon, entrega di un papel di voto.
- 3. Un nombramentu ta toka un persona personal, ora e ta unu di e personanan for di kua por skohe pa medio di un postulashon óf na un votashon di nobo.
- 4. Insiso unu no ta aplikabel pa e desishon enkuanto atmishon di miembran nombrá despues di un elekshon periódiko.

Kapítulo 4 Derechonan di e miembran

Artíkulo 40 Proposishonnan pa kambio di artíkulonan di lei

- 1. Kada miembro di konseho insular por, te na siere di e deliberashon, entregá proposishonnan pa kambio di artíkulonan di lei. Un proposishon pa kambio di artíkulonan di lei por kontené e proposishon pa dividí un proposishon riba agènda den un óf mas parti, riba kua lo tuma un desishon apart. Por deliberá solamente riba proposishonnan pa kambio di artíkulonan di lei ku ta entregá pa miembran di konseho insular ku a firma e lista di presensia i ta presente den reunion.
- 2. Kada miembro ku ta presente den reunion, ta outorisá pa, riba un proposishon pa kambio di artíkulonan di lei ku un miembro a entregá, proponé un kambio entregando un proposishon sekundario pa kambio di artíkulonan di lei .
- 3. Kada proposishon pa kambio di artíkulonan di lei óf un proposishon sekundario pa kambio di artíkulonan di lei i kada proposishon, pa por tuma den tratamentu, ta por eskrito, firmá i entregá na e presidente, a mémos ku e presidente – ku mira riba e karakter simpel di e proposishon – disidí ku ta suficiente pa hasi e petishon verbal.
- 4. Revokashon, pa esun óf esnan ku a entregá e proposishon pa kambio di artíkulonan den lei óf un proposishon sekundario pa kambio di artíkulonan den lei, ta posibel te ora e formashon di desishon pa konseho insular a tuma lugá.

Artíkulo 41 Moshonnan

- 1. Kada miembro di konseho insular por entregá na e reunion konserní un moshon.
- 2. Ta azeptá un moshon pa tratamentu ora e ta por eskrito i firmá i entregá na e presidente.

3. Tratamentu di un moshon tokante un tópiko den tratamentu òf un proposishon ta tuma lugá na mes momentu ku e deliberashon tokante e tópiko òf e proposishon.
4. Tratamentu di un moshon tokante un tópiko ku no ta riba agènda ta tuma lugá despues ku a trata tur tópiko ku ta riba agènda.
5. Revokashon, pa esun òf esnan ku a entregá e moshon ta posibel te ora e formashon di desishon pa konseho insular a tuma lugá.

Artíkulo 42 Proposishon di òrdú.

1. E presidente i kada miembro di konseho insular durante e reunion durante e reunion por hasi verbal un proposishon di òrdú, ku un motivashon kòrtiku.
2. Un proposishon di òrdú, prosedente di un miembro, ta bini solamente na tratamentu si e ta sostené pa un otro miembro.
3. Un proposishon di òrdú ta relashoná ku solamente disciplina di e reunion.
4. Tokante un proposishon di òrdú konseho insular ta disidí mesora, ku eksepshon di kaso ku artíkulo 26a, insiso tres ta aplikabel unda un desishon di konseho insular no ta eksigí.

Artíkulo 43 Un proposishon pa un ordenansa òf un otro proposishon.

1. Ta tuma un proposishon pa un ordenansa òf un otro proposishon den tratamentu ora e ta por eskrito i firmá i entregá na e presidente.
2. E presidente ta pone e proposishon riba agènda di e siguiente reunion a mémos ku por eskrito ya a saka e konvokashon pa e reunion. Den e último kaso ta pone e proposishon riba agènda di e siguiente reunion.
3. Tratamentu di e proposishon ta tuma lugá despues di a trata tur proposishon i tópikonan riba agènda, a mémos ku konseho insular disidí ku;
 - a. ku mira riba disciplina di e reunion ta trata e proposishon huntu ku un otro proposishon òf tópiko ku ta riba agènda.
 - b. ta trata e proposishon promé den un komishon di konseho insular manera indiká den artíkulo 117, insiso unu, di WolBES.
 - c. e proposishon ta bai konseho ehekutivo pa konseho. Den e kaso aki konseho insular ta disidí den kua reunion ta pone e konseho di nobo riba agènda.
4. Konseho insular por stipulá kondishonnan na entregamentu i tratamentu di un proposishon , ku no ta un proposishon pa un ordenansa.

Artíkulo 44 Interpelashon

1. Un miembro di konseho insular por pidi konseho insular outorisashon pa interpelá tokante un tópiko ku no ta menshoná riba agènda, manera indiká den artíkulo 14, insiso dos, ku e meta pa pidi kolegio ehekutivo òf gezaghèber informashon.
2. E petishon pa hasi un interpelashon ta entregá , ku eksepshon ku na opinion di e presidente ta kasonan di urgencia, por lo mémos 48 ora promé ku apertura di e reunion por eskrito na presidente. E petishon ta kontené e tópiko kla definí riba kua ta deseá informashon i e preguntanan ku ke hasi.
3. Presidente ta trese mas pronto ku ta posibel e petishon na konosementu di e otro miembronan di konseho insular i di e diputadonan. Na stipulashon di e agènda di e siguiente reunion despues di entrega di e petishon ta trese e petishon na

- votashon. Konseho insular ta disidí na ki momentu durante di e reunion e interpelashon ta tuma lugá.
4. Esun ku ta interpelá no ta hiba palabra mas ku dos biaha, e otro miembran di konseho insular, gezaghèber i e diputadonan no mas ku un biaha, a mémos ku konseho insular outorisá nan pa hasi esaki.

Artíkulo 45 Preguntanan por eskrito

1. Ta formulá e preguntanan kòrtiku i na un manera kla. Por suministrá e preguntanan di un motivashon. Huntu ku e preguntanan ta indiká si ta deseá e kontestanan por eskrito òf verbal. Preguntanan ku no ta kumplí ku loke ta stipulá pa hasi esaki, sekretario di konseho insular ta debolbé nan mesora na esun ku a entregá nan.
2. Ta entregá e preguntanan na sekretario di konseho insular. E ta perkurá pa e preguntanan yega mas pronto ku ta posibel na konosementu di e otro miembran di konseho insular, kolegio ehekutivo òf gezaghèber.
3. Kontesta por eskrito ta sosodé mas pronto ku ta posibel, en todo caso, dentro di trinta dia despues ku e preguntanan a drenta. Kontesta verbal ta tuma lugá den e siguiente reunion di konseho insular. Si no por kontestá dentro di e tèrmino aki, e miembro responsabel di kolegio ehekutivo òf gezaghèber ta notifiká esun ku a hasi pregunta, na un manera motivá den ki tèrmino e kontesta lo tuma lugá. Ta konsiderá e notifikashon aki como un kontesta.
4. Kontestanan di kolegio ehekutivo òf di gezaghèber, pa intermediashon di sekretario di konseho insular, ta bai pa e miembran di konseho insular.
5. Esun ku a hasi pregunta por pidi , den caso di kontesta por eskrito, den e siguiente reunion di konseho insular i den caso di kontesta verbal den e mesun reunion, despues di a trata tur punto di agènda, aklarashon mas detayá tokante e kontesta di gezaghèber òf kolegio ehekutivo, a mémos ku konseho insular disidí otro.

Artíkulo 46 Tempu pa pregunta

1. Na apertura di e reunion tin tempu pa pregunta, a mémos ku no a entregá pregunta. Presidente ta stipulá na ki momentu e tempu pa pregunta ta terminá.
2. E miembro di konseho insular ku durante e tempu pa pregunta ke hasi pregunta ta notifiká esaki na presidente hasiendo menshon di e tópiko por lo mémos 24 ora promé ku inisiá ku tempu di pregunta. Presidente, despues di konsulta ku presidio por nenga pa trese un tópiko na diskushon durante tempu pa pregunta, si e ta di opinion ku e tópiko no ta suficiente spliká òf si ta atendé e tópiko den e reunion di konseho insular riba e mesun fecha.
3. Presidente ta stipulá e sekuensha di tratamentu di e tópikonan entregá durante e tempu pa pregunta.
4. Presidente ta stipulá pa kada tópiko e tempu pa papia, pa esun ku ta hasi pregunta, pa kolegio ehekutivo, pa gezaghèber i pa e otro miembran di konseho insular.
5. Pa tópiko ta outorisá esun ku ta hasi pregunta pa hasi un òf mas pregunta na kolegio ehekutivo òf gezaghèber i luego duna un aklarashon.
6. Despues ku kolegio ehekutivo òf gezaghèber a kontestá esun ku a hasi pregunta ta haña, si e ta deseá ese, palabra pa hasi preguntanan adishonal.

7. Na kontinuashon presidente por duna palabra na otro miembrongan di konseho insular pa hasi pregunta sea na esun ku a hasi pregunta, na kolegio ehekutivo òf na gezaghèber tokante e mesun tópiko.
8. Durante tempu pa pregunta no por presentá moshon i no ta permití interupshon.

Artíkulo 47 Tempu pa pregunta pa pueblo

1. E derecho di palabra pa siudadanonan ta konsentrá den e reunionnan di komishon. Den reunion di konseho insular por papia solamente tokante un tópiko ku anteriormente no a haña tratamentu den un reunion di komishon, a mémos konseho insular disidí otro.
2. Despues di apertura di reunion di konseho insular òf di un komishon di konseho insular otro siudadano presente konhuntamente, durante maksimal trinta minüt, por hiba palabra tokante tópikonan riba agènda.
3. No por hiba palabra tokante;
 - a. un desishon di konseho insular kontra kua tin opheshon òf apelashon hurídiko ta habrí òf tabata habrí;
 - b. nombramentunan, eskohonan, postulashonnan òf rekomendashonnan di personanan.
 - c. un komportashon pa kua por òf por a entregá un keho konforme artíkulo 9. insiso unu, di Algemene wet bestuursrecht;
 - d. tópikonan ku no ta riba agènda;
 - e. puntonan regular di agènda: 1) apertura, 2) tempu pa pregunta, 3) stipulashon di agènda, 4) derecho di público pa hiba palabra, 5) stipulashon di lista di desishon i korespondensia risibí i partisipashon;
 - f. e konsepto di e relato di konseho insular.
4. Esun ku ke hasi uso di e derecho di papia ta notifiká esaki na sekretaria di konseho insular, a lo mémos 24 ora promé ku apertura di e reunion, haciendo menshon di su nòmber, adrès, number di telefon i e tópiko riba kua e ke hiba palabra.
5. Presidente ta pasa palabra segun sekuensha di registrashon. Presidente por desviá di e sekuensha si esaki ta benefisiá disciplina di e reunion.
6. Kada orador ta haña maksimal sinku minüt pa hiba palabra. Presidente ta repartí e tempu pa hiba palabra di maksimal trinta minüt proporshonal bou di e oradornan si tin mas ku kuater orador . Presidente por alabes den kasonan spesífiko desviá di e durashon maksimal di e tempu pa hiba palabra.
7. E orador ta hiba palabra despues ku presidente konsedé palabra. Presidente òf un miembro di konseho insular ta hasi un proposishon pa tratamentu di e kontribushon di un suidadano.
8. Na stipulashon di e agènda ta adaptá e sekuensha di e agènda segun e kantitat di orador pa kada proposishon. Komo promé ta trata e punto di agènda pa kua mas tantu orador a registrá.
9. Artíkulo 28, pa mantenshon di disciplina ta di mesun manera aplikabel.

Artíkulo 48 Informashonnan

1. Si un miembro di konseho insular ta deseá informashon tokante un tópiko, manera indiká den artíkulonan 49 i 50 di e Reglamentu aki, igual ku artíkulonan 171 i 182, WolBES, e ta hasi, ku intermediashon di sekretario di konseho insular, un petishon por eskrito na kolegio ehekutivo respektivamente gezaghèber
2. Sekretario di konseho insular ta perkurá ku e otro miembrongan di konseho insular ta risibí un kopia di e petishon.
3. Ta suministrá verbal òf por eskrito e informashonnan den e siguiente reunion òf den e subsiguiente reunion.
4. Preguntanan hasí i e kontesta ta forma un punto di agènda di e reunion, den kua ta duna e kontestanan.

Artíkulo 49 Responsabilisashon di kolegio ehekutivo

1. Kolegio ehekutivo i kada un di su miembrongan, separadamente ta responsabilisá na konseho insular e maneho hibá pa kolegio ehekutivo.
2. Nan ta suministrá konseho insular tur informashon ku pa konseho insular ta nesesario pa ehekushon di su tarea.
3. Nan ta suministrá konseho insular verbal òf por eskrito verbal òf por eskrito e informashon pidí pa un òf mas miembro, a mémos ku suministro di esaki ta kontra interes pùblico.
4. Nan ta suministrá konseho insular delantá, informashon tokante ehekushon di e kompetensianan, indiká den artíkulo 168, insiso unu sekshon e,f, g i h, WolBES, si konseho insular supliká eseí òf si e ehekushon por tin konsekuenshanan drástiko pa e entitat pùblico. Den e último caso kolegio ehekutivo no ta tuma un desishon ku no ta despues ku a duna konseho insular oportunidat pa trese su deseo i opheshonnan na konosementu di kolegio ehekutivo.
5. Si den ehekushon di e kompetensia indiká den artíkulo 168 insiso unu, sekshon f, WolBES no ta permití un suspenshon, nan ta duna kontrali na insiso kuater, konseho insular mas rápido ku ta posibel informashon tokante ehekushon di e kompetensia aki i e desishon al caso tumá.

Artíkulo 50 Responsabilisashon di gezaghèber

1. Gezaghèber ta duna kuenta i rason na konseho insular tokante su maneho
2. E ta suministrá konseho insular tur informashon ku pa ehekushon di tarea di konseho insular ta nesesario.
3. E ta suministrá konseho insular verbal òf por eskrito e informashon pidí pa un òf mas miembro, a mémos ku suministro di esaki ta kontra interes pùblico.

Kapítulo 5 Presupuesto i kuenta

Artíkulo 51 Prosedimentu di presupuesto

Ku mantenson di loke ta stipulá den WolBES i Wet financiele openbare lichamen Bonaire, Sint Eustatius en Saba, e preparashon, investigashon, tratamentu i stipulashon di

e presupuesto ta sosodé segun un prosedimentu ku konseho insular ta stipulá, riba proposishon di presidio

Artíkulo 52 Prosedimentu di kuenta anual

Ku mantenshon di loke ta stipulá den WolBES i Wet financi;ele openbare lichamene Bonaire, Sint Eustatius en Saba, e preparashon i e investigashon di e kuenta anual i e relato anual meskos ku stipulashon di e kuenta anual i di un eventual lista di indemnisation ta sosodé segun un prosedimentu ku konseho insular ta stipulá, riba proposishon di presidio

Kapítulo 6 Miembresia i otro organisashonnan

Artíkulo 53 Relato i responsabilisashon

1. Un miembro di konseho insular, un diputado, gezaghèber òf sekretario insular, apuntá pa konseho insular como miembro di un e direktiva di un entidat di koperashon manera indiká den artíkulo 125 di Wet gemeenschappelike regelingen òf den un otro organisashon òf instituto , tin e derecho pa en konekshon ku tratamentu di lista di dokumentonan risibí òf promé ku klousurá e reunion duna relato tokante asuntunan ku den e direktiva òf entidat ta na diskushon. Den caso di un deseo di konseho insular pa trata e relato aki e presidente por referí na e komishon konserní.
2. Kada miembro di konseho insular por hasi un persona, manera indiká den insiso unu, preguntanan por eskrito. Artíkulo 45 di e Reglamentu aki den kua e prosedura pa hasi pregunta por eskrito ta fihá ta di mesun manera aplikabel.
3. Ora un miembro di konseho insular ke pa un persona manera indiká den insiso unu duna kuenta i rason tokante su manera di funshoná como tal, konseho insular ta disidí si ta permití esaki. Artíkulo 48 di e Reglamentu aki ta di mesun manera aplikabel.

Kapítulo 7 Opservadornan i prensa; regla pa vestuario

Artíkulo 54 Opservadornan i prensa

1. opservadornan i representantenan di prensa por sigui e reunionnan solamente for di e sitio reservá pa nan.
2. Ta prohibí pa duna señal di ta di acuerdo òf desacuerdo òf di un otro forma stroba órden di e reunion.

Artíkulo 55 Strobamentu di e órden di reunion dor di e opservadornan

1. E presidente ta perkurá pa mantené òrdú den e reunion i ta outorisá, si un opservador di un manera òf otro stroba e órden di reunion, pa laga saka esun ku ta stroba i si ta nesesario algun otro opservador.
2. E ta outorisá pa impedí opservadornan ku pa ripitishon ta stroba e órden bishitá e reunionnan pa un periodo di tres luna.
3. Di e desishon tumá pa e presidente konforme e promé i di dos insiso , no por hasi un apelashon riba konseho insular

Artíkulo 56 Regla pa vestuario

1. Durante reunionnan públiko di konseho insular, ta eksihí pa e miembrongan di konseho insular, invitadonan i e opservadornan ta tantu bistí i tin sapatu apropiá .
2. E desishon ku si e bistí òf e sapatu ta apropiá ta den man di presidente.

Artíkulo 57 Registrashon di sonido i imáhen

Esnan ku ke hasi registrashon di, tantu oudio como visual den e sala di reunion durante di un reunion pubblico di konseho insular, ta partisipá esaki na e presidente i nan ta komportá nan mes konforme su instrukshonnan. E instrukshonnan no por bai asina leu ku ta afektá libertat di prensa.

Artíkulo 58 Prohibishon pa usa telefon mobil

Den sala di reunion, inkluso tribuna públiko, e telefonnan mobil ta den e posishon “standby” i durante di reunion no ta permití hasi yamada. Pa tribuna públiko ta prohibí hasi uso di otro medionan di komunikashon, sin pèrmit di presidente, ku ta violá órden di reunion.

Kapítulo 8 Artíkulonan final

Artíkulo 59 Evaluashon despues di 1 año

Pa mas tardá un año despues di a drenta na vigor konseho insular ta evaluá e reglamentu i si ta nesesario ta kambi’é a base di e evaluashon.

Artíkulo 60 Entrada na vigor

1. Ta hala e reglamentu di òrdú pa e reunion di konseho insular di teritorio insular Bonaire (AB. 2000, no.6) aden
2. E ordenansa aki ta drenta na vigor riba

Artíkulo 61 Titulo ofishal

Ta sita e ordenansa aki como Reglamentu di òrdú pa konseho insular di Bonaire.

Manera akordá den reunion di

Presidente

Sekretario di konseho insular